

石泉書屋詩鈔

四五六七八止

14
743
7



11
743
7



石泉書屋詩鈔卷四

利津李佐賢竹明

自出守辭京不獲侍

朝者十載於茲矣丙辰春因男貽良恭應

殿試重至

宮門感賦

當年奏賦獻明光侍從叨陪鷓鷯行

聖訓珠璣

天語重

恩頒餅餌

御廚香鼎湖瞻望○成○千○古○汀○水○淡○酒○限○一○方○此○日○

宮○門○重○接○武○難○禁○涕○淚○憶○

先○皇○ 奉奉德闕之情溢於言表 駿

孔繡山中翰憲葵招飲韓齋分韻得坐字

輭紅十丈塵熱中人如火何如文字交名利釋疆鎖韓齋主風
雅盛會東招我薄煖小陽春天空雲滄茫勝友聚文星賓主圍
團坐羞珍出家庖餅餌間蔬蔬蒸鴨膾錦鱗柔頤腹兼果當筵
出詩冊名繪羅繁夥一會一冊留位置何貼受分韻鬪尖又迅

捷擬飛箭索畫更索詩任重何敢荷馳驟翰墨場願學我亦頗
擅長慚未能效顰奚不可蒿目歎時艱滄溟橫戰舸烽火聞嶺
南○檣○槍○指○江○左○戩○亂○屬○何○人○愧○我○甘○疏○情○懇○抱○杞○人○憂○憂○緒○蠶
繭○裏○三○秋○駒○隙○過○孤○負○黃○花○朶○清○讌○幸○追○陪○暫○展○愁○眉○鞞○歸○路
過城闌西山夕陽墜

孔繡山中翰屬題方夫人學紡圖

紡績辛勤學璇閨課女紅詩吟唐魏什人笑綺羅叢絡緯秋聲
裏機絲午夜中願將崇儉意化俗返淳風

簡何子貞紹基朱伯韓琦兩同年

石身書屋詩金
好詩與好官勢難兩兼之譬如魚熊掌取舍當自知妙語傳
北去官攻詩詞官高詎不愛愛莫重於詩我今挂冠日正是高
吟時身閒無好何未免太詒癡我眉瓦屋草子貞詩稿眉山今在茲
來鶴山房稿伯韓有來鶴山房稿風格杜陵遺子貞與伯韓儒雅皆吾師
攻詩兼勗我臭味無差池我昔年弱冠制藝費研思三十步芸
館奏賦獻彤墀篇章循行墨韻語摘瑕疵况兼金石好旁及竹
與絲肄書並讀畫習射復彈棋泛鶩竟無成雖多亦奚爲四十
出典郡簿書日紛披退食偶嘯詠邊計敲與推行年逾半百歲
月如奔馳學詩苦不早勵志已嫌遲白駒雖已逝猶冀來可追

蹉跎不努力空負師友資兩君主風雅壇坫相對持左右與周
旋麤健將屬誰樹幟謝不敏執鞭亦奚辭

贈程覺園胡府

清狂應歎世無儔鳳泊鸞飄任去留宦跡遊蹤圓一夢詩才畫
筆各千秋官場德備同兒戲塞上風煙動客愁君歸從塞外賸有豪
情今未減酒闌含笑看吳鉤

京華九陌輒紅塵卻作逍遙世外身笑我真同棲厦燕與君都
是挂冠人關言贈合成新契萍水遭逢亦舊因儻得香山鄰共
卜兩家分占綠楊春

崇效寺看牡丹

長安城中花事新花時多少看花人姚黃魏紫矜標格天香國
 色嬌陽春傾城士女紛絡繹金鞵玉勒霏香塵詩人墨客工題
 詠豪華競進羅庖珍花情人意屬杯酒頽然醉卧藉芳茵城隅
 西偏崇效寺梵宮幽僻少人至逢春都為賞花來游人更比蝶
 蜂恣春風取次過競言此地爭春多祝花好化恒春樹留
 春不住如春何朝朝暮暮韶光老狼籍殘紅不可掃門前冷落
 車馬稀用香山句門內離離生蔓草吁嗟乎牡丹花開富貴圖牡丹
 花謝只須與伊誰過問松與竹青青終古無榮枯

玩古鏡

古鏡持來意若何
 嫵爛青綠不須磨
 磨時恐使清光現
 照見新霜兩鬢多

題畫

老屋傍疏林
 翛然塵外境
 古徑少人蹤
 嵐浮空翠影

音節之古直入

唐人室奧 丕度

重陽擬登盤山先期出都有作

重陽風雨近
 此日忽霽晴
 天公破常例
 知我欲山行
 凌晨秣我馬
 款段出都城
 乘興不知遠
 矧茲二日程
 秋色何處來
 蒼然滿

林。垌。霜。華。工。渲。染。不。待。關。與。荆。一。村。一。圖。畫。卷。看。晚。靄。橫。畫。中。有。詩。意。得。句。還。自。賡。試。問。熱。中。客。誰。解。此。幽。情。

城。居。苦。囂。塵。出。郭。頓。清。曠。健。翮。脫。樊。籠。野。性。遂。疏。放。况。為。尋。名。

山。未。至。神。先。王。山。意。如。迎。客。參。差。開。屏。嶂。行。行。入。煙。蘿。步。步。拜。

嘉。貺。九。日。顧。祠。中。高。會。情。歡。暢。同人於九日酒筵紛羅列詩句在顧祠雅集

逸。酬。唱。插。萸。少。一。人。青。山。獨。相。向。落。帽。層。巒。巖。振。衣。千。仞。上。星。

辰。高。可。捫。燕。冀。俯。在。望。縱。目。更。舒。懷。如。文。空。理。障。歸。日。語。同。人。

茲。遊。何。多。讓。古色古香 丕度

三河道中

暫。跨。征。鞍。郭。外。遊。吟。鞭。遙。指。暮。雲。稠。垂。楊。蕭。瑟。棲。鴉。影。未。入。深。山。已。覺。秋。

至盤山石佛莊訪季雲宗兄留贈

相。逢。如。夢。轉。疑。猜。攜。手。登。堂。笑。口。開。十。載。離。悰。重。快。晤。茲。行。不。

為。看。山。來。

招。尋。一。路。入。煙。霞。訪。到。三。盤。隱。士。家。正。是。重。陽。好。時。節。清。樽。籬。

畔。醉。黃。花。

歸。來。盤。谷。幾。春。秋。宦。海。收。帆。已。倦。游。心。與。在。山。雲。共。嬾。高。人。高。

卧。此。高。樓。

錦囊牙軸富荆關妙墨收藏只等閒排闥青山看不了翻從畫裏看青山

初八日夜雨恐阻遊興凌晨開霽喜而有作

宵來雨驟間風狂朝霽欣看透旭光今日勝遊天假我三盤頂上過重陽

九日登盤山

九日登高興未闌霜華滿地不知寒青鞋布襪尋僧去紅樹秋山當畫看澗壑泉流迴處合薊門關塞望中寬猶嫌下界塵寰近更上危峯第一盤

詩中有畫可作畫讀 丕度

登盤山絕頂桂月峯小憇雲罩寺

亂石縱橫路不分干盤轉上走螺紋峯高疑挂中天月松老猶藏太古雲纖輔拱朝龍氣壯晴空嘹唳雁聲聞登臨憑眺情何限回首西山日易曛

詠盤山古松

盤山盤谷多古松一株垂蔭一畝宮風霜飽歷不知歲之而鱗甲疑蛟龍蜿蜒游行走雷電天矯作勢騰虛空欲化未化若有待回翔盤折難為容山靈攀留飛不去鬱怒變作波濤春登高我值重九日滿林黃葉參丹楓蒼官合與翠竹伴黛色不改經

霜濃華廟何殊。畱漢柏岱麓。卻笑污秦封。巖阿偃蹇無人問。謾
謾大壑吟長風。會當采藥支丹竈。招邀鸞鶴來仙蹤。

消寒八詠

近見乾嘉年諸前輩消寒倡和詩畫卷就中詠物詩有
風門等題目凡七因併和之又益以手鑪共成人詠
鄆學步耶東施效顰耶殊自笑也

風門

湘簾纔撤換疏櫺。闔闔隨時不暫停。穿戶預防風料峭。當窗也
映日瓏玲。何曾啟閉司金鑰。轉笑豪華列錦屏。詩客酒人晨夕

到無煩剝啄叩門扃

蘊簾

寒威詎任透簾樵。裁取柔蘊製最工。波縠纔收湘竹碧。瓊瑤分
借舞筵紅。書帷共爾三冬下。蠶幕知他一例同。轉盼春風珠箔
捲飛來雙燕畫堂中

熱炕

渾如牀榻也鋪茵。抱火何妨更厝薪。喚作陽臺應有夢。看來淨
土本無塵。冬烘好任先生誦。氣煖疑回大地春。終日盤桓終夕
臥。此中豈少熱中人

手鑪

何須寶鼎蒸香沈煨炭銅鑪火候深凍墨好從烘硯解新詩卻
向撥灰尋摩挲煖透橫經案熨貼春回似鐵衾一様教人炙手
熱笑他家勢轉難禁

煖硯

冰花乍結硯池清巧製翻新煖具盛一律火攻堅壘破三春凍
解夫田耕頻看試墨流膏潤不待烘窗映日晴好向微凹濡彩
筆雲煙揮灑任縱橫

火鍋

冬厨肴饌具羹湯水火交資器最良調燮功能兼飽煖中邊世
態判炎涼團團錯認車輪轉芬苾何殊鼎餗嘗幾處圍鑪當雪
夜淺斟美酒獻羔羊

冰牀

凍結長河一帶斜板牀牽引水之涯宜眠莫當陳蕃榻小坐何
殊衛玠車平穩疑浮雲外棹空明恍泛月中槎如飛更有冰鞋
利一任諸君捷足誇

花窖

何勞問訊嶺頭梅花事關心入窖培紅豔翻從雪裏看青陽原

自地中回人間別有繁華界宇下深藏錦繡堆寄語東皇應護
惜還教黍谷送春來

唐花

北地朔風吹栗烈不見飛花見飛雪誰信人工奪化工唐花烘
出殘冬月蠟梅低亞紅梅枝海棠的皜兼垂絲玉蘭芬馥辛夷
笑牡丹富貴傾城姿更有千紅與萬紫芳菲詎讓三春時長安
市上斜街前鈿車寶馬來喧闐鎮日買花如買笑紛紛拋擲青
缺錢紅鑪煖閣花瓷盎位置金屋藏嬌妍誰知別有看花客對
花無語翻長歎歎人豔說花開早花開花謝殊草草不隨桃李

嫁東風未到荼蘼花已了嬌揉物性失天真繁華能得幾時好
物待栽培人待時助長何須誇智巧

托興遙深 瑞駿

春日為看花之約潘紱庭閣讀曾綬先期賦詩索和即步

元韻

老去容疏懶春深未有詩已逢修禊日又值看花時折柬伸前
約尋芳訂後期輸君先摘豔好句慰相思

種竹

移來篔簹谷翠干竿滿地清陰生夏寒曲徑乍延風宛轉幽窗好
映月檀欒虛心與我同心契直節應教折節難更與主人添喜

兆朝朝消息報平安

晚芳畫蘭予為補寫竹石並題

香痕寫入墨痕深誰把幽盟石畔尋幸得此君堪作伴虛心好

與結同心

題吳冰仙女史畫二首

蛺蝶穿花

小院深沈鎖碧苔野花零亂為誰開似憐幽豔無人賞蛺蝶一
雙飛去來

羣仙共祝

凌波仙子襪無塵玉珮明璫洛水濱為赴瑤池王母宴也隨羣
豔祝長春

温味秋太史忠翰屬題筠素女史繡蝶遺册

繡出踴躍蝶影單可憐金粉共飄殘浮生若夢都成幻栩栩仙

蹤一例看

韶華零亂不成春留得香痕證舊因一片落花芳草地憑闌惆
悵惜花人

贈朝鮮樞使李藕船尙迪並題其小照

吾家太白知何在仙客忽逢東海東老境更教詩律細豪情肯

放酒樽空、名山著作從今定、大壑波瀾助勢雄、浩蕩襟懷風雅趣、一齊收入畫圖中

題畫

小結茅廬一兩間、沿溪鎮日聽潺湲、幽人詎似泉流去、只伴烟霞不出山

檢書有感

嗜好酸鹹與世殊、怡情檢點五車書、聽他眾口呼牛馬、悟我前身是蠹魚、歲月消磨開卷後、兒童况味上銜初、閒窗依舊三餘課、只愧霜華兩鬢疏

閒居

閒居之樂樂如何、人海叢中隱薜蘿、陋室渾疑巢燕幕、輕衫權當釣魚蓑、壁懸圖畫供題詠、座繞琴書足嘯歌、十丈輦紅飛不到、始知塵世有巖阿

韓齋雅集賦贈朝鮮樞使李藕船分韻得謂字

春寒料峭重關閉、幽廬瑟縮如匏繫、縱然竹葉倒劉伶、詎有梅花探鄧尉、韓齋主人折柬招、文星類聚成嘉會、羣仙繞坐話團圓、瀛洲海客獨後至、入座狂呼大白浮、一石不知醉詩卷、攜來東海東毫端、信有凌雲氣、酒國寄興秋懷深、書城坐擁夕

陽墜藕船有大開酒戶迎秋氣大書警句問青天吾家太白音

堪嗣放眼頓覺天地寬訂交相賞風塵外纔欣把袂又分襟盛

筵難再此之謂從今海角與天涯一室千里同臭味蓬萊東望

水雲空緘情更倩魚書寄

孔峻峯先生瓢城送別圖繡山中翰屬題

瓢城一卷贈行詩想見琴轅臥轍時故事應登循吏傳新圖權
當去思碑淵明栗里容高尚召伯棠陰說愛遺清白家風堪裕
後才名更起鳳凰池

題李藕船春明話雨圖卽以贈別

一幅圖成更詠詩海天雲水寄遐思春明舊雨兼新雨記取西

窗翦燭時

一曲驪歌酒易曛天涯從此悵離羣牽情更怨長隄柳迎得君

來又送君

題馮林一同年桂芬鄧尉山廬著書圖

鄧尉山廬託芳趾俯仰枕莊惟經史百城坐擁穎英華著作定
貴洛陽紙羨君早歲掇青紫杏苑曾充探花使匡時偉抱非凡
才經濟文章堪並美無雙國士知誰知苦心濟世反招毀臣心
白水久同盟一任明珠謗薏苡天空海濶自翔翺世間毀譽浮

石泉書屋詩金
雲耳分襟判襪幾經年春明重晤輒紅裏結歡方幸朋盍簪蕪
鱸又報秋風起秋風門外送征驂臨別贈言烏可已勸君努力
好加餐丹鉛莫負白駒駛立言不朽足千秋名山事業從今始

重晤何子貞喜贈

媛翁重晤鬢毛皤談藝論心取次過豪興依然同北海才名未
肯讓東坡狂歌放膽花應笑酣醉揮毫墨有波更喜兩人同解
組寬間歲月共婆娑

六藝芳華盡擅長羣才只合拜門牆經師衣鉢傳齊魯時主灤源講席
書法源流溯漢唐水墨淋漓參畫妙光陰愛惜爲詩忙我因無

佛稱尊慣卻遇先生不敢狂

陶然亭遠眺

迴立孤亭不結鄰登臨覽勝隔紅塵壁間詩句留題客郭外山
光入座賓楊柳春風誰繫馬蒹葭秋水正懷人憑高徙倚雕欄
望萬戶祥烟護

紫宸

寫景最肖神韻亦長 駿注

旅夜

村酒沽來不易醺一鐙如豆夜平分西風更與添愁緒送得歌
聲隔院聞

歸里口占

茅舍三年別蓬門一徑開渾如尋壘燕仍向故巢來

滄州雪後早發

茅店催程早寒威雪後添當頭殘月墮撲面曉風尖遠道思乘
驢圍車似裹蠶濁醪須痛飲望斷隔村帘

題主覺斯墨蘭卷

花葉離披密更疏天真爛漫有誰如亂頭粗服君休笑此是張

顛醉後書

書小倉山房集後

空諸依傍自成家未必無名豈漫誇集有未必全無後世名之句萬頃波瀾

真○有○筆○一○生○情○好○不○離○花○官○輕○詎○信○塵○能○網○詩○好○何○妨○玉○點○瑕

為語蚍蜉休撼樹伊誰曾具此才華五十六字包括子才一生不度

讀書

恍助游山興誰知書積懸幾家直翰墨四壁古雲煙派別評高

下標題辨後先珍藏畱世守權當一經傳

感懷

哀○樂○中○年○感○慨○多○况○兼○雙○鬢○已○全○皤○九○州○朋○輩○常○懷○雨○半○世○功○
名○等○逝○波○賈○誼○匡○時○應○獻○策○王○郎○斫○地○且○狂○歌○伊○誰○抱○負○澄○清

志滿目烽煙喚奈何

感慨襟懷不減老杜 五度

傷懷

西下夕陽東去波傷懷感逝意如何
世年琴瑟官絃絕往事回頭春夢婆

仙去難尋化蝶蹤璇閨空憶舊音容
如何幾寸桐棺薄便隔雲山千萬重

綺窗重把鏡奩開惆悵魂今不再來
一慟九泉真永訣淚珠空灑舊妝臺

故園重到倍傷神空負韶光又令辰
依舊窗前桃李樹不知今

日為誰春

庭階寂寞獨徘徊繡戶塵封不忍開
正是傷情無著處一雙新

燕卻飛來

往事如煙夢不真幾番回憶倍傷神
深閨依舊青鐙夜只少鐙

前夜話人

淒然欲絕 瑞駁

珍珠簾外月華明曉芳曾記閨中好
句賡今夜月明人不見一

回吟罷一傷情

難尋碧海與青天夜坐更深思情然欲
把癡心託明月可憐缺後不重圓

飄然撒手一身輕，情到深時轉絕情。不信因緣今果了，猶將癡願結來生。

題晚芳畫蘭遺墨

深閨扶病寫芳蘭，遺墨零星不忍看。羨煞幽香空谷裏，兩叢相傍永團圓。

畫稿翻從敗麗尋，一花一葉抵兼金。早知遺墨流傳少，悔不當時愛護深。


省墓恭紀

水眠長夜憶雙親，丙舍重來淚滿巾。馬鬣斧封崇四尺，鶯飛草

長又三春豐碑漸蝕莓苔暗，薄祭徒勞酒醴陳。願得他年隨地下，晨昏仍作問安人。

春歸

春歸渾擬送人行，坐對殘紅別緒縈。一樣癡情較深淺，賞花爭抵惜花情。



石泉書屋詩鈔卷五

利津李佐賢竹朋

古歷亭讌集感懷

歷亭離別幾經年。鴻爪重來話舊緣。湖影輕搖紈扇底。山光遙
落酒樽前。茫茫大地連烽火。隱隱官城沸管絃。愁緒萬千姑放
卻。且拌沈醉水雲邊。

明湖納涼遇雨

驕陽灼爍騰金烏。萬類鬱鬱歸洪鑪。流汗浹背剝及膚。招涼何
處游。明湖湖邊頓起雲。模糊須臾水墨一紙鋪。清風獵獵生菰

蒲狂颯掀折紅芙蓉蘆荻盡亞誰能扶長空
奔雷車雷聲忽送雨聲粗銀河倒捲瀉無餘
湖心萬億拋明珠雉堞隱現畫不如千佛山
光看有無迎流吹沫波跳魚問魚亦知人樂
乎快哉片刻炎歊祛爽透羅袂涼侵裾雲停
雨歇日已晡小艇打漿尋歸途流泉瀾瀾鳴
溝渠蹇涉不顧衣履濡挑燈疾作遇雨圖吟
詩有句懷大蘇清景一失後難摹

用東坡句

五十四初度

彈指年逾五十三頭顱自顧詎無慚游蹤飄
泊離羣雁愁緒牽榮作繭蠶世事橋中仙對
局心情蓮座佛同龕惟憐未滌塵根

淨又爲尋芳到濟南

題茅菴勝明湖泛月圖

明湖一片空明境風露三更月千頃桂魄團
香氣濃蓮花綽約明妝靚拍浮疑作廣寒遊
蘭橈盪破玻璃影詩情浩蕩酒懷寬圖畫風
光入孤艇疇曩應試賢良科扁舟載月中秋
過戊子秋試後曾泛湖作竟夜之遊青衫一領
託烟波靈藥直欲乞嫦娥明星耿耿轉銀
河扣舷乘興猶高歌卅年舊事春夢婆而今
贏得雙鬢幡題君此畫三歎息及時不樂當
如何聲情逼肖元遺山傳得傳

仲衡宗兄同年鈞和贈余新詞賦此奉酬

戊子紀歲聽鹿鳴北榜東榜齊標名三十餘年一夢耳同譜落
落如晨星講幄而今開歷下吾宗何幸識伸衡對面驚看頭盡
白一笑相逢眼獨青投我雲牋金縷曲珠璣錯落珊瑚撐評書
讀畫精鑒古更同嗜好同性情君視浮名如敝屣我亦懸車歸
梓里天壤肯放兩人閒無獨有耦差堪喜千佛山前洞壑幽鵲
華橋畔木蘭舟春秋佳日登臨好青鞋布襪從君游不然枕經
兼蒞史騷壇讓君執牛耳左屬鞭弭右囊鞬與君周旋自茲始
莫憾君無師曠聰君耳重聽世運浩劫猶未終有聞煩惱填胸臆無
聞萬事付太空巢父洗耳殊多事如來捧喝亦無功爲君解嘲

爲君幸鄭昭何如宋之龔

明湖卽目

蘋未涼飄動蓮房冷露稠一聲新雁起頓覺滿湖秋

節短韻長度

鄰境屢聞警報感懷

愁雲黯澹羽書過太息鄰疆不止戈死戰驚傳新鬼大生全猶
幸故人多賊過處多未入城無邊烽火連齊魯何處田園隱薜蘿轉羨
河干鷗與鷺綠楊陰裏泛輕波

自嘲

早辭簪笏事歸耕俗願差堪了向平入世風懷都澹漠論人月

且愧分明聖賢仙佛俱無分
經濟文章詎有名
自顧頭顱還自
笑似茲真合號虛生

贈宋偉度明經祖駿卽題其詩集

前代梅花溯廣平而今儒雅最知名
西崑才調無凡豔南國風騷有正聲
放眼君應空一世盟心我亦契三生
鵲華橋畔同攜手從此論交懷抱傾

集成燕筑更齊筭

君詩有燕筑齊筭諸集

絕豔驚才近代無
比例劉蕡同

下第佯狂阮籍又窮途
騰來駿馬難歸櫪
泣到鮫人盡化珠
不信文章憎命達
問天搔首幾踟躕

端午與邵汴生侍讀亨豫重遊明湖縱談書懷

萱花榴火映階除
對此情懷嬾更疏
佳節每逢如嚼蠟
舊游重訪似溫書
良朋會合三生契
世運艱危百戰餘
共向青天搔首問
一回涕淚一欷歔

九日登千佛山

千佛山頭作重九
醉人不借黃花酒
淺絳石屏蒼翠巒
殷紅楓相深黃柳
秋光嵐氣共澄鮮
如披橫看卷在手
雲梯飄渺猿猱升
千級直上莫回首
禪關轟起欲凌霄
虛寮北嚮皆朝斗
官城主女紛如雲
環珮衣香處處聞
登堂拜佛佛無語
篆煙人氣同

石泉書屋詩鈔
四
氣益我來峯頭日卓午乘興登高兼訪古摩挲石刻認開皇八
年造象月紀五隸體追蹤兩漢碑苔斑猶蝕六朝土古洞陰森
不可攀恐觸蛟龍作風雨眺遠何處朋侶招孤亭高踞林木梢
城郭俯瞰明湖小千頭方罨平疇遙茫茫大地煙成海鵲華兩
點浮金焦丹青未易傳此景松雪圖後誰能描盤山龍山重樓
指勝遊詎自今朝始昔登盤山九龍山皆以九日豪情更擬五嶽遊未許此
番歎觀止歸來題句當訂盟他年記取言在耳

冬夜

蕭齋兀坐夜清幽漏靜更長報幾籌送煖情深榻榻炭畏寒重

著鷓鴣裘鎧花結暈疑添喜樽酒微醺慣解愁萬里遊蹤卅年
夢一時觸緒到心頭

除夕

殘冬赴壑蛇留住誰能果餞歲枉多情守歲計亦左回憶春徂
秋世運逢坎坷泰岱薄滄溟到處連烽火驚鳥無定棲哀鴻嗷
遍野身世入網羅難解愁眉鎖何期告生存今夕猶故我少長
聚家人依舊團圓坐肴饌雜椒盤屠蘇傾玉斝未飲已陶然不
樂胡爲者明知老將至時去何能捨但免溝壑填邀天幸已頗
得句自高吟聊復襟懷寫

重到濟南書院書事

講社舊遊地一別忽經年重來春已暮花下解征鞍渾似堂前
 燕又逐春風還羽啄啟門扃蒼苔一徑穿蠨蛸猶在戶蛛網綺
 疏懸呼童爲灑掃十斛俗塵蠲延風敞北牖壘石對南山置几
 供吟誦移榻備高眠經營殊草草生計足青氍食飽晝無事緩
 步庭除前海棠花已謝棠棣花猶妍古槐蔭屋角新筍出牆顛
 拂蘚坐磐石掬水弄清漣幽禽如識我覓院好音傳游魚如識
 我撥刺出潛淵忘機相與適物各暢其天去歲中秋日三五月
 初圓軍書風鶴警城郭隱烽煙寇至何驚擾寇退復安全人事

甯足恃或邀蒼穹憐此後皆天幸何弗隨遇安神遊借莊叟更
 讀逍遙篇 願近淵明 丕度

題畫

結舍清溪西復西萬竿修竹與檐齊午窗睡起渾無事一徑濃
 陰鳥亂嘯 淡永耐人尋味 丕度

王子梅大令鴻屬題春明六客圖

圖中孔繡山中翰朝鮮李藕船樞使及繪圖之吳冠英
 儁皆余舊雨也披覽再四不禁離羣之感因題拙句以
 當懷人之什不覺其言之長也

石泉書屋詩金 卷五 六
蒼松謾謾清風生怪石古木紛交橫六客列坐如列宿五星聯
貫間客星瑯琊詩人逢歷下鵲華橋畔尋鷗盟裏出圖卷索題
句振觸舊夢游春明風流跌宕孔文舉詩壇酒社招賓朋韓齋
雅集互酬唱投李時報玖與瓊瀛洲海客乘槎到燕臺會合蹤
如萍天涯海角聯臭味相求同氣應同聲六客訂交得其半翰
墨結契緣匪輕作畫者誰吳道子談藝亦復襟懷傾詩囊畫卷
迭賓主秋月春花倒醪醒別後琴樽頓消歇而今湖海各飄零
鱗鴻迢遞音書斷屋梁落月離緒縈明湖蒹葭隔秋水伊人涸
溯空復情詎意披圖如把袂傳神畢現鬚眉清北望燕雲東望

海何年風雨重挑燈

王子梅大令屬題尊甫海門年丈詩文集

瑤編相賞孰知音雅韻如聽單父琴想見公餘春晝永落花庭
院自清吟

肯堂賢嗣讀遺書檢點丹鉛校魯魚存得一編如治譜文章經
濟此中儲

王海門年丈撫松圖子梅屬題

兩裊清風現宰官蒼松陰裏獨盤桓虬枝不共仙鳧化留當甘
棠一例看

王子梅見示詩稿並有贈句和韻奉酬
一笑逢青眼開編麗句新盟心同好古著手自成春珠玉詩篇
富江湖宦跡貧訂交休恨晚此會亦前因

明湖櫂歌

古○歷○亭○邊○載○酒○行○鐵○公○祠○畔○踏○歌○聲○尋○常○一○樣○垂○楊○柳○栽○向○明
湖○便○有○情

湖○上○重○來○感○不○禁○當○年○小○住○託○禪○林○依○稀○舊○夢○渾○難○記○一○片○烟
波○何○處○尋昔年應試會 寓雁泉寺

此間暑氣到應難夏午登臨怯爽單北極樓頭天尺五果然高

處不勝寒

華○峯○天○半○綠○嵯○峨○煙○縠○輕○籠○雨○乍○過○彷彿○玉○環○新○浴○罷○鬢○鬢○高
擁○一○堆○螺

濃○綠○陰○中○盪○畫○橈○鵲○華○橋○畔○最○魂○銷○漁○洋○去○後○騷○壇○冷○孤○負○明
湖○舊○柳○條

湖○光○一○片○賦○於○羅○畫○鷁○輕○搖○不○漾○波○菰○蔣○爲○牆○蘆○作○界○箇○中○圍
住○藕○花○多

綠○波○楊○柳○浸○樓○臺○滉○漾○玻○璃○鏡○面○開○一○陣○香○風○聞○笑○語○藕○花○深
處○畫○船○來

石泉書屋詩金
蘭槩雙雙勝畫輪。美人名士往來頻。惟嫌一道菰蒲影，遮住游
船望不真。
烟波湖上木蘭船。來往萍蹤一道穿。送得遊人尋勝去，停橈都
在綠楊邊。
湖上芙蓉萬柄開。歌衫舞扇共徘徊。誰知竹杖芒鞋客，也爲尋
詩取次來。
蘭槩輕搖日暮天。綠陰深處聽鳴蟬。先生乘興渾忘遠，緩步逍
遙不上船。
短笠輕衫泛野航。湖邊一味送新涼。伊人洄溯知何處，白露蒼

讀書

讀書

早歲厭讀書，開編立牆面。中歲知讀書，世事紛交戰。晚歲嗜讀
書，得味思屬屢。所憾精力衰，奢望不遂願。譬如對珍羞，病難
下。嗚得此慮，失彼掛一或漏萬。環座擁百城，望洋目空眩。廢書
三歎息，欲捨有餘戀。在昔衛武公，既耄學不倦。况我未周甲，努
力當自勸。餘勇猶可賈，但祝身常健。積少可成多，材休嗤襪線。
尺寸果心得，境界及時變。望道縱高堅，詎終不可見。苦心嘗不
負，書此爲左券。往者不可追，來者猶可諫。求魚應結網，莫漫臨

石泉書屋詩金

意摯詞醇書之可作座右銘必傳之作也 度

題王蓬心畫瀟湘圖上有王夢樓詩句

珍藏什襲比琳瑯妙翰從來屬二王一首新詩一幅畫教人清
夢落瀟湘

觀劇

優孟何需辨假真空中色相夢中身誰知演劇同觀劇都是登
場傀儡人

新春試筆

春從何處到習習風微和晴窗硯冰釋試筆墨新磨往歲新正

月雪積山嵯峨今朝青陽轉生意滿庭柯盆盎舒梅萼階砌生
綠莎不知海隅陋翻覺韶華多海內方鼎沸滿目紛干戈何期
彈丸地幸免入網羅時和兼歲稔後舞復前歌及時亟行樂撫
序肯蹉跎老去興不淺渾忘雙鬢皤嬉游偕童冠更看鄉人儼

春日大雪

探芳已近花朝節一夜朔風吹粟烈不知院宇散瓊瑤但覺布
衾冷如鐵開門睡起眄庭柯亂綴繁花壓欲折紛紛柳絮竟狂
顛漠漠梨雲詎分別似嫌花事太延遲六出飛花霏玉屑或云
造物厭繁華故將玉戲鬪清絕不然桃李盼芳妍東皇何事弄

奇譎潤澤先慰老農心猜疑一任詩人說小園花事漫追尋且
關尖又寒詠雪

李烈婦

同治紀元二年春歲癸亥月丙辰癸星光墮濟水濱李氏子孚
先名利津籍一書生玉樓遽赴修文詔烈婦志比金石貞上無
菽水可承歡下無繞砌芝與蘭感歎寡鵠悲離鸞徬徨中夜摧
腸肝成仁志決須臾耳熟計偷生不如死雉經梁上自投環願
從地下隨夫子噫嘻乎志士多烈士少貞烈誰知屬窈窕信有
疾風標勁草婦伊誰氏屬張與李子生同鄉官吏入告請旌揚

天章褒寵閭里光我屬舊史職文章書爾姓氏千秋芳

遣懷

堂堂春去惜年華感歎勞生未有涯愛畫何妨如好色編詩敢
詡己名家頻栽碧玉淇園竹學種青門卻圃瓜贏得身心無箇
事駐顏應不借丹沙

幽懷淡似伯牙琴非遇鍾期孰賞音涉世難消名士氣讀書真
見古人心公然無累辭官早未免偷閒得趣深若向千秋論事
業誰言鐘鼎勝山林

浮生若夢醒南柯肯把簪纓換笠蓑宇宙風雲同變幻林泉歲

月儘婆娑虛懷無忤論交易倣倣成名自古多
校短量長都放卻及時行樂莫蹉跎
名論從知物我齊繁華閱盡合幽棲百年人事同雞肋
萬里遊蹤憶馬蹏白石青松尋伴侶黃塵碧落判雲泥
蓬萊員嶠方壺畔應記來時路不迷

顧祠聽雨圖王子梅大令屬題

曩在都門每歲與顧祠雅會今別來屢更歲瑄矣披圖

振觸前游不勝今昔之感

雨勢噴薄雲模糊淋漓水墨一紙鋪詩情畫意兩奇絕寫來併

作聽雨圖顧祠近依慈仁寺亭林先生芳躅寄春秋俎豆報馨
香我亦屢交堂戶事一番雅會一題名曾記塗鴉留姓字餘事
文識聚賓朋雄辯高談各樹幟縱橫上下三千年豈徒博物誇
多識舊遊一夢幾經秋瑯邪詩人圖畫留披圖鄭重回環讀萬
感觸緒紛交投聞道年時亂兵擾冷落祠堂餘蔓草雙松依舊
蔭階除未識何人薦蘋藻文舉石林俱痛傷孔繡山閣讀
葉潤臣觀察何堪
笛韻聽山陽壽陽愁遺老相國祁春圃歸然魯殿存靈光鬱鬱
幽懷向誰託舊雨今雨都離索舉頭日近長安遠奮飛難跨雲
中鶴吁嗟乎明湖秋水清復清狎迹蘆中鷗鷺盟今夕與君重

石泉書屋詩鈔
聽雨一樽曾酒話春明。况值烽煙連海內，何時文讌樂昇平。蒼
茫身世一俯仰，古抱今懷何限情。

秋霖不止王子梅以詩見示用陶詩連雨獨飲韻卽依原

韻奉和

我雖不善飲得趣亦陶然。秋霖無客到，獨坐幽且閒。拋書暫假
寐，一夢小游仙。偃佞欣把袂，聯步大羅天。覺來惠書到，得句讓
君先。似與陶彭澤晨夕相往還。今人非古人，同此樂餘年。君唱
我復和，得意共忘言。

苦雨新晴湖邊散步

秋霖苦不止，城郭溼炊煙。濃雲垂大幕，包裹鵲華山。清風何處
來，吹出蔚藍天。餘霞燦成綺，返照明且鮮。階前新漲活，琴筑鳴
清泉。幽花間修竹，新沐各爭妍。先生乘幽興，曳杖明湖邊。水亭
飛白鷺，高柳鳴新蟬。聞香初過雨，萬柄開白蓮。看花人小立，清
景相流連。此中有佳句，付與何人傳。遊罷歸來緩，暮靄已蒼然。
鮑子年中翰康寄示觀魚詩卽和元韻

原作有不羨游者翔，卻羨藏者深之句，特反其意以答
之。

大壑縱魚躍，載浮亦載沈。浮者固非淺，沈者亦非深。化機相與

適潛見豈容心寄語濠梁客妙理試推尋

節短韻長名言精理必傳之作度

白龍洞至佛峪記遊三首

歷下名山多東南山更好數載已神游嚮往輒傾倒今歲靖烽

烟謝絕塵氛擾同志揚子雲楊坦夫茂才同游結件事幽討策蹇出郭

門曦光破清曉節候近重陽卻無風雨攪秋色正清華樵徑尋

窳窳嵐光撲面來空翠浮飄渺入山猶未深矧我已不少

行行過山椒翠确不容足泉水出山清琤琤嗽鳴玉渡澗更通

幽山多不厭複陡起三峰高渾疑巫峽束畫本寫倪黃淺絳間

濃綠石塔戴崔嵬龍祠枕山麓古木圍蕭森巖菊綴芬馥錦屏

曉宜春

祠前開障名錦屏春曉

秋光偏娛目依舊在塵寰頓覺氣清淑小

憩尋巖洞一徑綠而曲山僧導我前白晝卻秉燭非關入公門

到此躬已鞠笑比羊在藩轉身防抵觸靈境頓豁辱聳立忘蹄

跼回望迷洞口已入山之腹圓竅石鐘懸崇隆覆夏屋邃古穴

居時何人此寄躅仰瞻不可極聞聲飛蝙蝠別竇窺陰森恐有

壑虺蜮出洞攝巖腰蒼然豁遠矚攀蘿下石磴綠蟻相追逐聞

道五龍潭更歷幾崖谷遊興未闌珊足疲憚往復落照已銜山

姑就僧寮宿

晨起續清遊佛峪五里許來路記三叉地僻無行旅石徑倍嶽

寄提攜呼伴侶峭壁立千尋紅葉明朝旭高下雜丹黃都將罅
隙補憶昨龍洞遊霜楓聚三五輪此萬樹紅彌望不可數縱倩
荆與關粉本難摹撫更喜懸厓上托根無寸土終古斷樵蹤誰
能縱尋斧隱隱吹火聲林幽藏寺古雲梯快共登歷階更接武
危厂撐虛空巖坳託梵宇巧借石作天何勞費砥柱佛像劇莊
嚴跌坐無一語對面做虛廊羣峰盡當戶靜境忘朝昏雲烟自
吞吐西接香積厨泉清茗可煮東轟釣臺高登臺餘勇賈何處
殷雷車飛瀑如飛雨深澗激清湍未許釣魴鱖舉首近青天下
瞰蒙山俯攬勝宿願償渾忘登頓苦歸去憶遊蹤夢繞白雲隴

情真韻古得是作可為山靈生色令人欲打碎黃鶴樓矣 丕
度

贈陳姬儷琴

姬名繼書京華女也予向無妾媵今老矣始作枯楊之
秘而姬有終焉之志不願效楊枝之放也故有是贈

老去惟餘翰墨親隨緣尙未出紅塵風情已逐年華減願爾來
為問字人

笑他梁燕去來飛鸚鵡依人意莫違甘與樂天相伴老不隨樊
素送春歸 酷肖白香山 駿注

九日重登千佛山和鮑桐舟大令瑞駿登北極臺韻

往歲登高處重巒疊嶂開伊誰重蠟屐尋勝共銜杯秋色不知
遠游蹤依舊來詩人饒逸興相望在層臺

題王子梅得印圖

子梅舊名鴻得一古印文曰王鴻私印名姓相符喜作
是圖

王郎得印喜成圖姓字千秋竟合符一樣鴻名稱不朽故吾應
識印今吾

季秋將出歷下歸里鮑桐舟宮子行本昂兩大令方小東
刺史朔宋偉度明經餞余於筆華書屋桐舟兼有贈句

卽和元韻

結緣文字萃名流話別筵開正九秋燒燭看花兼對酒臨谿得
月不須樓座中吏隱皆同調畫裏雲烟感舊遊老去詩情仍未
減耽吟渾忘雪盈頭

題王秋垞二尹蒼茫獨立圖

蒼○茫○獨○立○出○塵○表○高○瞻○遠○矚○乾○坤○小○舉○頭○天○外○氣○昂○藏○浩○浩○落
落○詩○酒○狂○斯○人○斯○境○兩○奇○絕○惟○伴○清○風○與○明○月○高○歌○一○曲○知○誰
聽○天○容○澹○茫○山○光○青○還○君○圖○畫○爲○君○語○並○世○何○人○堪○伴○侶○俯○仰
無○窮○自○千○古

從歷下買舟旋里記事

檢點琴書幾度看年光遊興共闌珊歸程底事偏濡滯應戀明湖別去難

鄉心無限逐東流古歷亭邊已倦遊一葉舟輕雙槳駛看山未免又回頭

隄防全潰亂流通瓠子聞歌尚未終寄語當時賢牧令東方澤畔有哀鴻

重陽過後景全非客路蕭蕭葉正飛留住秋光猶未老黃花載得滿船歸

沈河舟中

西風料峭送歸舟一葉輕帆任拍浮碧落空中時唳雁黃流深處想潛虬瀾漫水勢來千里荏苒霜華又九秋經濟自慚輸賈讓治河三策有誰籌

從歷下返家園作

游徧鵲華今又歸重開三徑欵柴扉經霜草木初黃落疊石峯巒亦翠微更向樵漁尋伴侶何須衣馬羨輕肥埽除塵榻容高臥夢裏由他蝴蝶飛

詠雪次東坡尖叉韻

罪罪不是雨絲織助勢風寒作陣嚴著地渾疑鋪玉砌登盤錯
認薦晶鹽迷漫湖上蘆成被凍折窗前竹壓檐幾度呼童庭院
掃嵯峨聚作小山尖

林端瑟縮認寒鴉門巷泥深少去車謝女清才吟柳絮袁安香
夢到梅花水因評味漆茶竈壺欲沽春問酒家惟有灞橋橋畔
客模糊難辨路三叉

讀前賢和尖叉韻詩復成二律仍用元韻

詠物何須巧更織諸家和韻律精嚴也隨詩客同吟雪敢襲陳
言道撒鹽迢遞征鴻餘舊印離襖凍雀墜層檐當前妙景堪裁

何慚愧年來筆退尖

雲箋呵凍笑塗鴉門外何勞問字車漫詡一篇金錯采輸他六
出玉飛花圍鑪撥火消寒夜限韻工詩羨作家敢與溫郎誇鬪
捷吟成不厭手頻叉

石泉書屋詩鈔卷六
利津李佐賢竹朋
青陽律轉上元春
令節佳時物候新
餞歲難辭藍尾酒
論年已
是白頭人平生宦轍空
回首依舊官袍穩
著身報
國有心惟暗祝九州從此靖烟塵
春回
冰消凍解小欄邊
草放金鉤欲鬪妍
到處尋春春未得
不知春已到窗前
神妙 瑞駿

石泉書屋詩鈔卷六

上元甲子元旦試筆

利津李佐賢竹朋

青陽律轉上元春
令節佳時物候新
餞歲難辭藍尾酒
論年已
是白頭人平生宦轍空
回首依舊官袍穩
著身報
國有心惟暗祝九州從此靖烟塵

春回

冰消凍解小欄邊
草放金鉤欲鬪妍
到處尋春春未得
不知春已到窗前
神妙 瑞駿

登利津城樓

城樓高迥處眺遠正憑欄河抱黃流曲春深綠野寬隄防資保障稼穡問艱難撫字兼籌策勤勞望宰官

順風謠

檣如戟帆如扇大川利涉乘風便大王雄披襟當列子御冷然善中流自在兩無羨卻憐天意人難饜往者歡欣來者怨

重遊歷下

游蹤汗漫落人間富貴浮雲只等閒賸有塵緣猶未了年年來看鵲華山

放生池觀魚

放生池上踏青莎時漪激豔風日和鏡中隊隊游魚過投以餅餌如投梭羣魚爭啖跳圓渦圓比鄰曾無干戈駢頭撞擊肩相摩錦鱗照耀輝光磨食罷圍圉浮清波如羊飲池牛降阿依人更類鷺與鵝機心全忘弗恤他魚自泳游人自歌人樂魚樂同婆娑鯨鱉鯉來江河避網無殊鳥避羅偶然失足誰護呵死生呼吸投燄蛾可憐香餌貪無多得地失地不同科魚兮魚兮可奈何

游趵突泉

聽泉客到任勾留四面涼生夏亦秋頓覺殷雷從地奮詎知飛
瀑向天流描成海上三山影三泉並涌出洗盡人間萬斛愁一片仙
機真活潑伊誰悟道識源頭

王子梅屬題其長女貞年畫梅冊

雪魄冰魂清且幽姑射仙姿誰與儔腕下生春毫吐豔此福亦
屬幾生修子梅詩筆貞年畫一家翰墨互唱酬清於冰仙應把
袂榮名更繼陳南樓我憶仙霞嶺畔遊瓊英玉萼盈山陬汀署
小園動詩思汀署後有梅園還如何遜在揚州用杜句又記趨庭庾嶺外
行蹤來去傍羅浮讀畫渾疑香夢醒但少翠羽鳴啾歲寒北

地無香雪舊遊振觸空悠悠乞寫剡谿藤半幅寄來不待江南
郵一結悠然不盡瑞駿

靜坐

水雲深處結緣深淨洗塵埃未許侵明月相尋如踐約青天在
上自高吟曹騰夢憶遊仙枕淡泊情移太古琴摩詰晚年惟好
靜早應知我此時心寫出靜境瑞駿

聽雨

破曉頻傳屐齒聲夢回孤枕倍淒清先生聽雨方高卧門外何
人冒雨行

題王秋垞貳尹蒼茫獨立軒詩稿

詩句相投贈神交我與君天涯方結契地下遽修文妙筆翻瀾
水新詞出谷雲遺編今日讀清淚落紛紛

鐵公祠

靖難兵臨日孤城繫一身湖山真有主鼎鑊自成仁公篤忠臣
節人慚叔父親宸濠無異轍往事總灰塵

盆魚

識得游魚樂恩波不在深有機直活潑無意問升沈未減濠梁
趣詎忘湖海心靜中觀物化飛鳥更巢林

聞金陵收復三江肅清誌喜

紅旗一騎捷書過喜聽江南唱凱歌元運重開新歲月時逢上元甲子

廟謨永奠舊山河十年當路除豺虎一律收軍息鶴鵝更祝邊

陞同偃武滇南新疆尚未盡平均調玉燭慶時和

題楊子惠內表兄恩祺憶得偶存詩稿

從來名士濟南多似此才名定不磨留得一編今日讀知君佳
句法如何

問柳尋花又幾時一齊收拾入新詩風情不讓吟情好想見當
年杜牧之

秋夜

碧天涼似洗不受片雲封近月星芒斂無風露氣濃花陰移上
壁樹影卧成峰坐久渾忘寐難尋化蝶蹤

新倩 瑞駿

學道

人人慕學道人人戴儒巾聖賢與仙佛並世無幾人胡弗輕賦
與造物太不仁造物聞之笑無言若有云太極本於穆元化祇
網緼人生一太極厥象亦渾淪物交遂物引濡染喪其真食色
兼名利癡愛復貪瞋患得亦患失厭故更喜新混沌惜鑿破元
氣如剖分終朝爲物役萬變徒紛紛與天日以遠與道詎能親

譬如大車載輶轉轉雙輪一朝輿脫幅安望馳且奔譬如流丸
走圓轉初無難偶然逢甌臾其止如流言所以至誠心惺惺貴
常存天人通一貫不已緣能純死生惟順受富貴如浮雲釋教
崇虛寂明鏡無埃塵老子言道德玄牝亦此門何必鍊鉛汞何
必守庚申三教流雖異其體歸一源惟人所自擇要言豈在煩
悟道有真諦我主物爲賓造道有心得物屈我自伸至寶詎在
外曷自返其身下士聞斯語笑比絕纓髻中士聞斯語疑信費
諮詢上士聞斯語妙悟自疑神縱橫羅萬象俯仰杳八垠超然
遊物外願作無懷民 大似擊壤集而氣魄過之 駿注

冬夜偶成

游倦歸來靜掩關，琴書相伴一燈閒。
月臨人照當頭鏡，雪壓廬成沒骨山。
宦海前蹤疑夢境，仙家勝景隔塵寰。
端居頓作煙霞想，鸞鶴何年共往還。

新警 駿

琴牀

誰傳妙製待鳴琴，風簟難鋪譜試尋。
對此安絃宜奏曲，居然下榻為知音。
橫來最好臨清夜，眠去何妨借綠陰。
卻笑桓伊無雅韻，胡牀弄笛但長吟。

棋匾

團圍棋具比囊盛，用異香奩不異名。
好任收藏忘勝負，何嫌黑白太分明。
閒枰斂盡無餘子，對壘相持儼駐兵。
安得囊弓常偃武，都如局散罷爭衡。

書架

由來鄴架富芸編，支閣圖書不計年。
萬卷參差堆簡冊，幾層高下類梯田。
紛紜遠勝陳經案，安穩何須載畫船。
縹帙細囊憑對列，探奇彷彿入瓊嬛。

畫叉

攜來妙繪等琴書，巧借叉擎任卷舒。
萬軸琳瑯憑爾挂，雙了鬢

髻比誰如虛懸畫幀頻驚燕錯認漁竿不釣魚多少名人留翰
墨高高擡舉只因渠
四詩均有不脫不粘之妙 駁注

羅書堂同文綦達九應鴻兩茂才贈我晚菊數種冬月盛

開對雪賞花別饒佳趣賦成十六韻並柬二子

天公玉戲霏玉屑小池零亂冰花結竹壓檐前雀啣枝樹凋窗
外鳴枯葉人間萬卉俱飄零誰信幽芳今未歇歲寒松柏共蒼
堅羞同桃李招蜂蝶錫名壽客定無慚縱愛餐英肯輕折詩人
但說傲霜枝不道秋芳能傲雪雪花滿地映黃花一般景物兩

奇絕回憶曩嶺外遊千樹萬樹梅花發而今海角天風寒折
寄一枝誰贈別孤懷淡泊或天憐留此晚芳爲我設簾幙重重
護惜深瓦盆俱養真妄帖東籬把酒迹已陳圍鑪小酌還怡悅
長安市上競豪華唐花賣向三冬月購得一叢深色花賦抵十
戶民膏竭何如相賞在蓬廬明窗淨几幽懷愜感君贈我更最
君好共此花勵晚節

大雪

同雲垂幕包無外雪花信有如席大雨三日卽成霖大雪經
旬母乃太樓頭遠望浩無涯迷漫一片將城蓋收藏萬類貯冰

壺○匿○影○不○教○紅○日○曬○仰○觀○俯○視○入○混○茫○乾○坤○一○白○無○分○界○寒○江
 獨○釣○灑○蓬○窗○灞○橋○詩○思○生○驢○背○閉○門○高○臥○有○袁○安○乘○輿○山○陰○誰
 訪○戴○朝○臣○袍○笏○盡○瓊○瑤○農○田○預○報○豐○年○瑞○葉○落○空○林○萬○木○枯○微
 茫○僅○辨○松○與○檜○菊○芽○梅○萼○凍○全○僵○土○窖○藏○如○僧○受○戒○窗○前○惟○剩
 竹○枝○青○擎○風○獨○立○無○摧○敗○勁○節○不○負○歲○寒○盟○教○人○欲○下○此○君○拜
 寄託遙深 駿注

寒甚口占

曉起窗含凍嚴寒一倍加眼前飛雪絮鬚上結冰花枝墜頻驚
 雀林空不噪鴉大裘懷白傅願覆萬人家 想見抱負 駿注

和王子梅詠竹元韻

今秋贈王子梅新竹數竿冬令嚴寒來書云竹半黃矣
 而栽培益力冀其回春也

清標只合對清芬故把此君持贈君縱使風欺兼雪虐仍留勁
 節自干雲

述懷

閒將際遇溯平生詎借明珠記事清外宦七年原寫意藏書萬
 卷自怡情登瀛載筆曾修史解組歸田又課耕五夜捫心差慰
 藉不貪漁利不沽名

半生猶未展經綸遠作蕭閒局外身詎抱遐心耽隱逸惟嫌傲

骨太嶙峋萬言有策干

明主一紙無書上貴人如此性情如此遇隨緣應不歎沈淪

有感

難把清流混濁流人情變幻等浮漚扶搖誰識鵬千里今古原
同貉一邱魑魅行藏煩鼎鑄海天空濶任槎游何時超出塵凡
界目極三山與十洲

雜詠十首

天開與地闢云自混沌起未識混沌先何以肇其始天崇與地

卑見慣渾不怪永識此字外更有何境界少時勞追想人笑太
論癡老我復滋惑不異髻齡時方知人在世譬彼魚在池水外
魚不見字外人豈知神聖與庸愚同囿此乾坤但知六合內外
此誰能論

大化夫如何渾淪包無外於物苟區分已違彼蒼意善惡用彰
癩邪正剖義利上下辨尊卑人物殊賤貴偉哉聖人功萬世民
攸賴豈知造物仁一視無同異巨壑混魚龍芝蘭出蒿艾虎豹
與祥麟並育不相害丹鳳與鴟鴞各自鳴天籟胡弗判去留別
開清淨界成化本無心有容德乃大人憾不能無所以爲天地

今歲苦嚴寒積雪不可埽我謂此寒威已盡殘冬杪貞下定起
 元預卜春回早宇宙此陰陽二氣如環繞消長互乘除對待無
 多少寒往即暑來昏暮轉向曉誰曾度長夜自西更逾卯天運
 自有常人事何須巧富貴與賤貧代謝亦草草位高而多金問
 誰能常保不朽古有三榮名以為寶

福善與禍淫只論理常然豈知逢其變數定理無權下元際運
 會兵戈自年年所過城與市殲滅無人烟若云屬惡報豈無一
 善人曷弗別良莠玉與石俱焚兵燹不到處詎必無頑民胡弗
 竭澤漁轉多漏網鱗搔首向天問天高語不聞清風為掃蕩浩

劫成灰塵善惡有感應施報不能紊苦心救世語不得不云云
 鴻鈞鼓大力細微詎剖分試語為善者責報莫紛紛

養民井田法只宜行上古古法用今時所患無曠土一夫田百
 畝安得田如許縱授餘夫田亦恐缺難補變古開阡陌何必咎
 嬴秦縱有聖人作古制豈能遵天地德好生羣黎日益廣熙來
 攘往儔如蠶食黃壤土地闕無餘後生資何養更歷數千年何
 堪一設想一笑問坤維何不隨時長

馳逐名利場比例魚貪餌代不異古今人無區賤貴寡欲乃清
 心多營必多累然使盡屏除塵世亦寡味畢竟此兩端高下有

不與言其言金
等次爲富必不仁顧名或思義懷惠兼懷土喻利小人事沒世
疾無稱不失君子意甯儉勿用奢好名猶勝利
論事有是非論人多毀譽毀譽固難憑是非亦鮮據君子無所
爭豈盡物無忤理有難通時遭遇聽乎數俯仰不愧怍綽然有
餘裕所以橫逆來逢之不必怒貧賤不以道得之不必去
五材民並用厥惟金不祥能使清淨域化爲兵戈場學成萬人
敵將帥威名揚豈知所殺戮安能別莠良功成萬骨枯封爵博
侯王已違好生德弗祿詎久長無怪韓彭輩及身已滅亡
古之爲學者學貫天地人今之爲學者學但富多文章身侔錦

繡挂腹少經綸千時矜獻策遇變舌已捫循名難責實豹死皮
空存
美人無定姿佳文無定格誰知鼓瑟者別有膠柱客聲調工拙
摩如歌按節拍字句較短長如匠陳繩墨真意已銷亡貌似神
理隔優孟縱衣冠聲情詎能得雷霆互發聲雲霞屢變色陵谷
有遷移滄桑異今昔天地大文章終古無成迹黃土搏人後未
聞別形模何以千萬億各具一頭顱陽虎類孔子纖毫豈無殊
此外相肖者不聞有一夫方知造物巧詎止萬變圖文心從此
悟今吾非故吾笑爾鈍根人依樣畫葫蘆

門神

終朝對立傍銅鑲袍笏疑同將相班任爾轉身司管鑰憑人仰
面看容顏功如錫爵應論戶仕豈因貧願抱關一樣通神錢有
用誰知不及汝清閒

勾芒

其人形體並衣冠星宿牽牛一樣看面孔頻更無定相頭銜好
暑作春官逢迎宛似新年客靈爽偏依太歲壇野老羣祈豐稔
兆問君知否稼艱難

攬鏡

論年花甲未全周攬鏡先驚白髮稠放眼敢云空一代癡心也
冀壽千秋銘勲無分麒麟閣覓句思翻鸚鵡洲可惜朝陽鳴盛
侶江湖飄泊作閒鷗

有勸余出山者拈此示之

南柯夢醒迹成陳野鶴閒雲物外身已○是○回○頭○登○岸○日○羞○爲○攘
臂○下○車○人○收○藏○簪○紱○渾○忘○舊○料○理○醞○鹽○且○耐○貧○自○顧○封○侯○無○骨
相名場何必戀風塵
頤聯放翁佳句 瑞駿

鐘鼎山林風馬牛憑天位置又何求逢人傲骨峰千仞閱世閒

石泉書屋詩金
身水一漚敢翼勳名追召杜詎將蹤跡託巢由難從宦海揚帆
去渚淺風微且艤舟

立春後六日聞雷誌異

計候何曾大雨行東皇纔看出郊迎誰知雪虐風饕日已聽春
雷第一聲

元宵大風雪

連宵風雪太欺凌曼衍魚龍戲未能料得春燈無可試下帷依
舊伴書燈

送高次封太守貢齡之官會稽

會稽山光鑑湖水襟城帶郭三十里膏腴杭稻瀕湖多東南竹
箭連山美竭來江左紛兵戈名區墮劫烟塵裏中興重奠舊山
川經營締造從今始狼烟頓息起瘡痍伊誰醫國稱良醫鴻嗷
待哺如嬰兒伊誰撫育喫咻之農部高侯慎厥司廿載清勤結
主知良才勝地相倚重
帝曰欽哉汝往治恭銜
恩命辭郎署雙旌五馬庚郵馳江上春風送蘭櫂浙東甘雨隨
車到清時吏治重循良青史勳名追杜召他年報政易成委
蛇退食足怡情遺蹤元九誇州宅流觴曲水尋蘭亭赤文綠字

探禹穴蒼茫弔古越王城公餘應慙尋幽興吟詩好寄遠人聽
疇昔與君同筆硯蛩蛩駉駉情殊戀宦轍中外歧途分動如參
商不相見登場君聽鳴騶好懸車我已歸田早無多良會別離
難對看雙鬢垂垂老贈言努力勸加餐更勸榮名以爲寶

挽李筠菴表弟祥辰

平生膠漆最情親遠返仙蹤一恰神海上騎鯨今撒手天邊化
鶴悟前身君自言前
身屬鶴雲山水墨臨摹肖卷軸琳瑯賞鑿直君善
畫精
鑒從此都成廣陵散知音索解更何人

消遣

吟詩讀畫消遣容膝吾廬易安除卻家祠廟祭終年懶著衣冠

春寒

九九消寒寒未消雪花依舊逐風飄護持窖底新梅萼懊惱隄
邊凍柳條門換春聯驚歲改杯傾佳釀和愁澆貂裘在笥無須
著十二年來免侍朝

沈河舟中遇雨

歸程何太滯况值雨瀟瀟孤艇依蘋岸狂飈擁怒潮愁聽篷滴
漏醉少酒盈瓢夜坐難成寐清吟慰寂寥

牡丹

調詠清平憶謫仙。一枝濃豔勝嬋娟。羣芳有譜應推首。斯世無
花可並肩。豈向春風誇富貴。偶烘晴日倍嬌妍。縱教多買胭脂
畫國色。天香未易傳。

春日小園卽事

地僻無來客。柴門鎖日闌。難書消白晝。選石疊青山。水淨魚同
樂。林幽鳥共閒。牆陰尋古篆。苔蘚漸成斑。
春暮尚餘寒。東風漫倚欄。花萌魚網護。枝墜鵲巢乾。久坐清陰
轉。耽吟午課完。遊頭誰伴侶。游興未闌珊。

口占

際遇隨豐吝。浮名忘毀譽。晦翁耽靜坐。潘岳賦閒居。逢閨愁添
米。無資羨買書。西南風鶴警。消息近何如。

中庭樹

中庭有嘉樹。去歲實離離。胡爲今歲樹。花落餘空枝。空枝莫失
望。來歲卜蕃滋。盈虛觀物化。哀旺各乘時。物理推人事。說與塞
翁知。得馬何足喜。失馬何須悲。

靜境

難書讀罷掩精廬。悟境都因靜境殊。餘憾從來天地有。沈思想
到古今無。閒看世上魚龍戲。任聽人間牛馬呼。落落襟懷誰共

石泉書屋詩鈔
喻長風浩蕩月輪孤

禱雨

去歲大雪白雲封乾坤一色冰壺同今歲太旱水源竭赤縣烈日紅鑪紅陰陽愆伏成災沴調燮無術憑天功密雲不雨忽吹散封姨肆虐大王雄嘉穀半枯苗欲死釋耒坐歎愁老農大巫小巫禱神鬼往來擊鼓聲逢逢祝洩銀河翻碧海更祈電母煩雷公我昔游蹤憶南國黃梅時節無晴烘有餘不足儻調劑彼此暘雨皆適中天地雖大猶有憾亦如人道難中庸前度烽烟連海岱四野已嗟杼柚空望歲如望慈父母但祝豐稔何堪凶

吟詩敬告明神聽願神慈悲人窮三日成霖千畝渥喚醒驪
睡騰伏龍

喜雨

連朝快雨走雷車小圃新晴玩物華胡蝶深藏埋徑草牽牛初
放過牆花流甘膏澤盈千里飽食倉箱祝萬家好去閒尋田父
老綠陰陰處話桑麻

七夕前一日園中納涼

一邨一壑卽池臺薄暮招涼亦快哉微雨如催佳節到清風爲
送好詩來桑麻郊外豐年兆花木園中稱意栽惟聽西南歌瓠

子流離何計慰鴻哀

消夏

歸來鍵戶倦游蹤
消夏翻添游興濃
天上晴雲壁間畫
朝朝暮暮對奇峯

余向嗜圍棋近以其勞神也戒之并記以詩

閒枰坐隱幾
春秋渾擬兵機費
運籌謀勝局
中新戰壘縱觀壁
上舊諸侯紛爭蠶觸
經年慣浩劫
灰塵付水流
從此樵夫同袖手
爛柯山下任優游

王禹鄉明府世榮屬題尊甫蓉山先生松陰趺坐圖

予與蓉山先生邂逅滕陽相視莫逆回憶已三十餘年
矣其哲嗣禹鄉明府今宰吾邑頌聲蔚起一日出遺照
索題感故交之頓謝幸遺澤之孔長不禁悲喜交集也
萍蹤聚首憶滕陽
世載音容隔渺茫
把袂訂交投縞紵
披圖感舊閱滄桑
喬柯已看龍鱗化
肯構還欣燕翼長
含笑九原應慰藉
絃歌雅譽播琴堂

畫山水自題

山深嵐氣變陰晴
曲澗流泉漱玉鳴
長夏幽人無箇事
溪邊獨坐看雲生

石泉書屋詩金
卷七
六旬得孫誌喜
利津李佐賢竹朋
蕭蕭雙鬢總如銀彈指光陰已六旬竹報遙聞添喜色蘭芽初
萬及新春家祥入夢徵熊虎先期余夢虎復夢熊客賀登堂譽鳳麟從此
傳經欣似續他年付汝一編陳
種花
自替園丁課攜鋤向夕陽三春閒裏過祇為種花忙
至海豐王蘭洲張幼文子緝諸君子招飲別後卻寄

石泉書屋詩鈔卷七

六旬得孫誌喜

利津李佐賢竹朋

蕭蕭雙鬢總如銀彈指光陰已六旬竹報遙聞添喜色蘭芽初
萬及新春家祥入夢徵熊虎先期余夢虎復夢熊客賀登堂譽鳳麟從此
傳經欣似續他年付汝一編陳

種花

自替園丁課攜鋤向夕陽三春閒裏過祇為種花忙

至海豐王蘭洲張幼文子緝諸君子招飲別後卻寄

石泉書屋詩金
百里經年別相逢一笑迎鶯花春日暮雞黍故人情林下紅塵
遠樽前綠酒傾田居歡會少此讌卽蓬瀛

苦雨歎

去歲既多旱今歲復多雨多旱旱爲災多雨雨更苦日月忽藏
匿雲霓自吞吐密灑如散絲急點如飛弩檐溜瀑瀉瀝鎮日懸
當戶門掩蛙升堂竈涇魚生釜屋漏無乾牀泥墜少完堵農夫
劇堪憐主伯共亞旅太息禾生蟲何異穀變蠱黍苗半飄蕩麥
根漸朽腐禾稼比不登何以實倉庾租稅未蠲除何以應官府
真疑有漏天問天天無語擬倩女媧皇急急煉石補

六十初度自述

荷花爛漫正芳辰花下稱觴歎此身樗○散○棄○才○難○用○世○槐○安○好○
夢○久○成○塵○陶○情○絲○竹○偏○多○感○繞○坐○圖○書○不○算○貧○卻○笑○童○心○猶○未○
化○如○何○已○是○杖○鄉○人○

追維襁褓荷親慈六十年前墮地時吉夢虛教誇鳳子余生

母夢鳳入懷中此生慚未盡烏私

榮封表墓終何補捧檄還鄉恨已遲罔極深恩何日報開編忍
誦蓼莪詩

丁年橐筆入詞曹侍從追隨敢憚勞

朵殿書成新賦稿

御鑪香惹舊官袍青編修史人爭羨曾供職史館玉尺量才我幸操

甲辰分校春闈何意鰕生邀

又典試西江寵遇濃恩稠疊一時遭

閩汀典郡幾經年差喜囊無造孽錢荔子陰中勤判牘梅花香

裏課耕地殊孔道偏宜嬾居愛名園不欲遷署有梅園可資遊覽會調首郡

力辭不就祇為洪波淪丙舍抽帆宦海引歸船因先瑩被水急

春明再至黯銷魂丙辰就往日風流半不存詞館已行前輩禮

禁林重認舊巢痕升沈過眼都陳迹明弼關心最後昆男貽良觀政西

曹清白家風須似續好承堂構答

君恩

因緣翰墨樂同羣庾申就濟南講席下阜比一席分四載生徒頻問

字一編風雨細論文窗前種竹風傳韻湖上看花日易曛遊倦

歸來重鍵戶衣襟猶帶鵲華雲

露夕烟朝取次過田間歲月易消磨清歌偶聽玉連瑣薄醉時

傾金叵羅知已常懷千里遠故人數到九原多愁遺天壤猶存

我感舊傷離可奈何

逝水年華墮渺茫雄心弩末賸文章漸無濟世經綸展羨有名

石泉書屋詩抄

卷七

三

山○著○作○藏○鑽○紙○蠅○癡○還○得○味○抽○絲○蠶○老○未○全○僵○邇○來○泉○幣○新○成

譜○時○刊○古○泉○張○台○顧○烜○陶○岳○洪○遵○或○頡○頤

家○餘○半○畝○老○菟○裘○遣○興○何○須○賦○遠○遊○娛○我○鶯○花○時○得○句○任○人○麟

閣○說○封○侯○偶○然○魂○夢○迷○蝴○蝶○肯○為○兒○孫○作○馬○牛○笑○比○登○樓○年○少

婦○祇○知○歡○喜○不○知○愁

萬○卷○叢○中○了○此○生○塵○緣○謝○盡○總○無○爭○短○長○任○聽○人○藏○否○出○處○何

關○世○重○輕○入○夜○聞○雞○羞○起○舞○臨○風○唳○鶴○怕○傳○聲今歲賊屢犯東境丹心

報

國○依○然○在○盼○切○餘○年○見○太○平

天津道中早行

旅○邸○瑟○縮○凍○全○僵○雞○鳴○喚○起○促○行○裝○行○行○盼○日○升○扶○桑○須○與○大
地○騰○輝○光○道○旁○行○旅○粲○成○行○照○影○更○比○長○狄○長○笑○問○爾○輩○胡○奔
忙○得○母○利○鎖○兼○名○韉○我○忘○名○利○亦○來○此○不○為○富○貴○為○孫○子時方得孫
入都看○視○塵○緣○一○例○無○殊○耳○五○十○步○者○莫○笑○百○步○止

題張翼南同年詩集

憑○陵○沈○宋○薄○應○劉○瑰○寶○奇○珍○筆○下○收○十○萬○珊○枝○穿○網○底○三○千○鐵
弩○射○潮○頭○游○蹤○曾○憶○江○南○棹○豪○氣○應○高○濟○北○樓○當○代○詩○人○甘○避
舍○輸○君○渤○海○盛○名○留

得蘇賡堂同年廷魁書兼有贈句和韻卻寄
離別不知歲相思恨未平簡書今日達車笠故人情官閣傳新
詠仁併起頌聲卿雲遙望處攬轡待澄清

和宗兄季雲寄懷元韻

千里關河阻音書未易裁長○空○鶴○歸○去○芳○訊○鯉○傳○來○細○把○離○情○
訴相憐暮景催燕山如再到訪舊肯遲徊

新樂府 并序

昔白傅作新樂府序曰其辭質而徑欲見之者易喻也
其言直而切欲聞之者深戒也其事覈而實使采之者

傳信也為君為臣為民為事為物而作不為文而作也
余何人斯詎敢妄希前賢然觸時感事古今人有不同
而同者因即見聞所及掇拾成篇得十二首意雖激而
非妄詞雖俚而非虛度幾言者無罪聞者足戒不肯於
風人之旨焉閱之者儻以為芻蕘可採或於時事有補
於萬一是則區區愚衷所深望也若以為誹謗則吾豈
敢

貼膳黃

領吾

皇吾

皇盛德沛

綸章何地偏災逢水旱緩征

蠲稅恤農桑

深仁厚澤沐

恩施可惜小民難預知奏入

彤廷如望歲捧來

恩詔卜何時縱教實惠逮閭閻民困已堪憐况有貪吏君
知否暴斂急徵先入手騰黃貼向通衢口田賦已完十八九

官兵來

賊寇來民告哀官兵來民救災賊寇過民家破官兵過民應樂
問民民但淚珠傾既苦寇更苦兵寇致汝死汝生緣何疾痛
無異情民言兵寇難分別此苦自喻逢誰說寇如狼兵如虎狼
貪猶或跋其胡虎猛誰敢與鬪武倉箱告竭杼軸空與之庾與
之釜猶未饜足恣搜取奪我衣不復能曳妻奪我車不復能馳
驅寇來取精或遺麤兵災過處無完土况復劫掠更姦淫飲恨
不敢告官府縱告官府亦何補我聞此語心如焚太息兵寇竟
難分究未縱火未殺人擬兵於寇非其倫勸爾切莫怨官軍怨

語○恐○被○官○吏○聞○

募鄉勇

募鄉勇助官兵官按籍多空名養兵數贏用兵絀募勇聊以
壯軍聲軍聲雖壯虛糜帑金多可暫不可久餉匱將如何招之
可來遣不散安置無術翻為亂來則為兵去為寇紛紛聚散如
鳥獸可憐盡屬無業民飢寒迫切誰能救誰能救當謀生安得
良田億萬頃俾爾盡歸耕不為寇亦不為兵

民失業

賊兵來何洶洶櫓槍亂埽星辰動排山倒海勢如涌狼奔豕突

無定程逆氛過處烟塵驚殺人如草不聞聲用成句 黃河之水血

流腥禦寇募鄉勇鄉勇驟練詎能精追寇望官兵官兵不至緩
緩行扶老攜幼奔入城流離顛沛羣逃生羣逃生思避劫士不
橫經農不荷鍤工休歇商匱乏可憐四民同失業忽聞賊退緩
須臾鴻雁安集靡定居收涕忍淚休嗟吁有冠且彈有衣且著
有肴且餐有酒且酌莫問賊去復來否偷生姑謀當前樂嗚乎
幸○免○死○猶○謀○當○前○樂○

報捷音

報捷音人共見但待時不須戰何必將軍嫺六韜何曾天山定

三箭紛紛賊寇如飛蝗捕蝗無計徒張皇蝗飛來田苗食盡無
根○菱○蝗○飛○去○冒○功○請○賞○人○無○數○自○來○自○去○孰○作○梗○馳○突○如○入○無
人○境○此○邦○奏○捷○唱○凱○歌○誰○知○移○禍○到○鄰○省○一○騎○紅○塵○又○告○警

黃流決

黃流決黃流決建瓴之勢直傾瀉往歲江南今山左江南修防
帑金多山左無工呼奈何

聖朝明詔恤民隱拯災捍患無偏頗胡爲政府今殊科諒由時
勢非由他承平回憶嘉道初河壩官吏樂有餘百千萬億河庫
儲虛糜歲費泥沙如錦車寶馬馳通衢羅綺文繡飄輕裾酒淮

肉○陵○充○庖○厨○梨○園○曲○部○女○樂○俱○清○歌○妙○舞○紅○璫○瑜○宴○罷○夜○永○添
紅○燭○千○金○一○擲○狂○呼○盧○昔○何○樂○今○何○苦○帑○藏○告罄○難○攜○取○黃○流
東下誰能杜田廬城郭感滄桑哀鴻徧野魚生釜河入濟濟入
海湯湯汨汨十餘載昏墊不異洪荒時離居蕩析何所之溺猶
已溺詎不思拯溺無術將安施當年儻肯受以節禦患何致今
無資職其咎者當屬誰嗚乎我歌當哭君休怪言者無罪聞足
戒

坍地糧

坍地糧徧四鄉黃流過處水湯湯兩岸崩壞如頽牆須臾千丈

萬丈長繡陌綺阡化澤國空糧仍納困輸將民貧財盡訴官長
官言田賦例有常糧名豁除談何易申文須待咨部堂咨部堂
無時日歲歲征輸竭民力大戶稱貸猶有所茅屋雖破牽蘿補
小戶追呼何太苦賣兒鬻女償官府

盛朝屢

詔恤下民地埶肯使糧猶存可憐民隱

天不聞願告直言賢御史速將下情上達

聖天子

海商舶

海門東下黃流奔門外商舶如雲屯舶中商賈語切切語罷忍
淚聲暗吞問爾經商遠到此不歌而哭胡為爾答言泛海歲一
至涉險只為蠅頭利征其鉅舍其細當年關稅有常例常例無
妨歲歲來誰知今歲增權稅增權稅增數倍欲留權算盡錙銖
欲○去○往○還○數○千○里○進○退○維○谷○羊○觸○藩○嗟○嗟○商○賈○誠○何○罪○既○聞○舶
商○哭○又○聞○關○吏○喜○喜○稅○益○多○多○入○官○兼○肥○已○關○吏○何○足○論○官○亦
疾○苦○如○不○聞○腴○民○脂○膏○媚○大○府○反○膺○上○考○嘉○其○勤○吁○嗟○乎○斯○人
豈○其○未○讀○書○胡○不○聞○與○其○有○聚○斂○之○臣○乎

焚桃源

石泉書屋詩金
高山之高高極天巒峰環繞成墉垣中有膏腴千頃田微通一
徑如桃源有客結廬山之巔自稱學佛兼學仙道統直接千秋
傳三教源流都匯此到此長生盡免死羣愚蠢惑來紛紛官幕
商賈及游民輦入金帛翻買禍先幾見遠無其人人人祇道藏
身固誰知生死難逃數一朝壓境來官軍薄言往愬逢彼怒逢
彼怒巢傾覆虎視眈眈欲逐逐片時殺戮靡孑遺擄掠囊橐都
鑿足聲銷淚盡不聞哭伏尸狼藉填陵谷彷彿驪山一炬焚焚
時不辨石與玉軍士言誅逆叛安能一一良莠判民言入桃源
初意思避亂誰知避亂翻蒙難有何罪不可追不爭不鬪不抗

違○竟○同○叛○逆○一○例○看○旁○觀○側○目○呼○奇○冤○千○秋○誰○斷○此○疑○案○嗚○乎○
千○秋○誰○斷○此○疑○案○

兵戈戲

兵戈戲兵戈戲歌舞場為爭戰地為鵝為鶴陣圖開大戟長槍
逞利器龍爭虎鬪鯨鯢吞但誇有勇不尚義喧闐金鼓震雷驚
斬將搴旗人辟易黃童白叟並黎民觀者如堵盡得意上自都
門下村寨司空見慣都不怪我來觀劇三歎息歎息人心風俗
壞○登○場○歌○舞○歡○喜○緣○兵○凶○戰○危○人○所○戒○喜○樂○凶○危○風○馬○牛○胡○為○
混○同○無○分○界○况○今○烽○火○徧○郊○野○驚○聞○風○鶴○來○戎○馬○斬○免○鋒○鏑○幸○

偷生刀兵為戲胡為者觀劇惟願先止戈何妨後舞復前歌庶
幾春臺共樂人民和

織錦段

天孫七襄誇雲錦人工巧與天工準染將五色萬千絲綺縠羅
紈樣入時織錦段裁裳衣被服適體生光輝光輝照眼美容儀
工夫費盡知不知尊卑貴賤昭等次服色異宜有常例緣何流
俗競豪華不論王公與與隸人人錦繡願章身上下等威無限
制呼嗟物力餘幾何何堪糜費日多多安得還清更歸樸卉服
同聽康衢歌

鳳巢高

鳳巢高鵲巢低維鵲何堪比鳳兮鵲飛乘風便高或與雲齊鳳
巢不到阿閣上一枝轉不厭卑棲高卑貴賤各有宜造化底事
顛倒之顛倒有意或無意文章變化方離奇君不見馬行山下
上有田馬若在淵牛在天又不見山下有松山上苗徑寸莖蔭
百尺條孑孓差世事多如此不平之鳴胡為爾

夜坐詠懷

中夜息羣動流螢獨不停雲收半弓月風定一池星浮世誰清
濁狂歌任醉醒蓬壺何處所我欲問仙靈

暮春園中遣興

滿園春色接天涯。喜雨新晴玩物華。勝負難分羣鬪蟻。公私莫辨亂鳴蛙。不鋤小徑留芳草。怕踐香泥惜落花。更聽呢喃雙燕語。茅亭坐到夕陽斜。
惆悵東風倚檻人。飛花天氣又殘春。笳初變。貓頭樣石。皺真成鬼臉。皺萬水萬山。曾縱目一邱一壑。許容身關河無恙。烟塵息不厭常為隴畝民。

春暮戲題

萬點飛花欲送春。留春小住為詩人。詩人不放春歸去。著手生

春得句新

輓高次封太守

風雨雞窗記會文。卅年回首隔烟雲。當時朋輩凋零盡。灑淚何堪又哭君。

感事

野火烽烟滿目非。驚塵千里望征騑。妖氛競效長蛇噬。軍士偏工退。鷓鴣飛大地。山河餘戰血。荒城鼓角送斜暉。人心籲懇天心轉。何日紅旗達。

帝畿

秋扇

摺扇玲瓏疊錦箋，動搖初歇早涼天。成功卽退君何憾，錯被詩人怨棄捐。

春暮晚眺

不信春將去，尋春一徑斜。閒亭鋪柳絮，枯樹冒籐花。琴韻寫流水，詩情對晚霞。夕陽明滅處，小立數歸鴉。

檢書畫自嘲

佳篇俊句付詩囊，水墨丹青秘閣藏。卻笑生平癡絕處，名心未斷愛根長。

坦園雜詠五首

宅西小園 先君子早年讀書於此，晚年注易於此，余小子承歡侍側，亦每嬉游於此。撫今追昔，已四十餘載矣。自游宦他方，茲園遂廢。近年歸田，重治荒蕪，又闢地數十弓，以益之。結茆爲亭，疊石爲山，依山爲沼，臨水通橋，又補植卉木，修葺垣墉，草草點綴，非侈遊觀，皆所以承先志也。園中舊廬，顏曰坦室，取坦蕩之義，卽以名園。隨時吟眺，雜綴成篇。

先人不可作，望古徒生感。猶有舊時廬，彷彿見遺跡。廬外何所

見花木紛在眼廬中何所有圖籍資流覽顏題舊時額取義在
平坦水平無波瀾塗平無坎窞世平無紛爭心平無設險卽此
錫園名取益良匪淺

我○生○如○寄○耳○何○物○爲○我○有○卻○幸○一○畝○園○暫○時○落○我○手○栽○杏○欲○成
林○種○桃○已○拖○綬○陰○陰○牆○下○槐○濯○濯○風○前○柳○鑿○池○未○及○泉○疊○山○僅
如○阜○相○看○渾○不○厭○款○洽○如○良○友○一○日○不○來○遊○便○似○別○離○久○行○吟
不○知○倦○歷○時○忘○卯○酉○清○景○醉○遊○人○不○待○攜○尊○酒○寄○語○此○芳○園○與
汝○真○不○負

一簣覆平地已作爲山觀何況疊石成對面起峰巒胸中具耶

壑○地○狹○心○自○寬○我○昔○遊○汗○漫○五○岳○任○躋○攀○游○蹤○今○已○倦○倦○飛○鳥
知○還○但○得○容○小○隱○何○妨○隨○遇○安○閉○關○無○箇○事○卽○此○是○深○山
曲○沼○依○山○前○澗○處○僅○逾○丈○流○水○此○心○期○爲○池○何○必○廣○有○時○驟○雨
過○流○泉○送○清○響○笑○比○溝○澮○盈○頃○刻○波○濤○長○何○事○垂○釣○綸○何○事○盪
畫○樂○叢○叢○蘆○荻○花○彷彿○臨○浩○蕩○鷗○鷺○儻○飛○來○便○作○江○湖○想
樂○天○年○四○十○已○憾○種○松○遲○我○年○逾○花○甲○猶○種○此○花○枝○得○見○成○陰
否○何○况○實○離○離○將○爲○子○孫○計○未○免○人○笑○嗤○我○道○君○勿○笑○所○愛○此
生○機○生○機○何○日○盡○與○爾○無○窮○期

題粵東何蘧盒瑗玉畫梅卷

石泉書屋詩鈔卷八
童年曾記嶺南遊，萬樹梅花豁遠眸。此日披圖重振觸，依稀舊夢醒羅浮。

石泉書屋詩鈔卷八

利津李佐賢竹朋

旅懷和河西務壁間韻

又作天涯客，輪蹄不暫停。烟村環秃柳，塵海泛浮萍。老我頭俱白，逢誰眼更青。春明重訪舊，寥落幾晨星。

宋雪帆侍郎晉陳小舫給諫廷經邀陪馮展雲宮詹譽驥

羅椒生尙書惇衍汪漢嶠太僕映斗許諫文太守邦光

讌集陶然亭卽席賦呈

鳳城南去路，迢迢賢主嘉賓。把袂招槐徑，雲深濃似幄。先至龍樹院小

坐○葭○汀○風○起○湧○如○潮○清○游○恰○喜○人○同○健○別○恨○憑○將○酒○共○消○惟○有

憫○農○心○尚○在○用東坡句甘霖望沛潤良苗時方禱雨

玉堂裙屐足風流座中賓主盛會何殊禊事修白雪誰將詩句

和○前○游○極○樂○寺○雪○多同館青山同向畫圖遊連日清和天氣兼寒燠汗

漫○行○蹤○任○去○留○卻○憾○相○逢○旋○賦○別時展翁將返嶺南花驄難繫

柳○絲○柔

樊文卿大令彬贈句即和元韻奉酬並題其問青閣詩集

生○花○妙○筆○發○高○吟○鳳○在○梧○岡○鶴○在○林○雅○抱○常○餘○名○士○氣○清○詞○不

薄○晚○唐○音○懸○車○與○我○賡○同○調○染○翰○逢○君○訂○賞○心○但○祝○年○年○人○共

健一回良晤一題襟

鮑子年閣讀屬題顧祠聽雨圖

雙○松○盤○鬱○蛟○龍○舞○顧○祠○中○藏○傍○琳○宇○俎○豆○馨○香○祀○事○修○餘○情○文

謙○借○賓○侶○盛○會○不○羨○佛○盈○千○瑞○應○何○啻○星○聚○五○雄○辯○高○談○四○座

驚○俯○仰○上○下○成○今○古○疇○曩○我○憶○春○明○遊○雅○會○一○度○一○名○留○十○年

一○別○關○津○隔○雪○泥○鴻○瓜○迷○陳○迹○化○鶴○重○來○丁○令○威○城○郭○猶○是○人

已○非○明○遠○詩○人○示○畫○卷○裙○屐○風○流○紛○在○眼○老○眼○摩○抄○舊○夢○醒○振

觸○前○塵○興○非○淺○更○期○高○會○年○復○年○永○作○長○安○盛○事○傳

題宋僧巨然萬壑松風圖

崇岡峻嶺鬱千盤。圖畫休將圖畫看。彷彿仙霞山下路。碧雲深護萬松寒。

題李應辰外兄觀魚圖小照

桐陰清潤晚涼初。小立荷池樂有餘。會得濠梁活潑趣。浮生誰道我非魚。

王子梅大令有見懷之什賦此奉答卻寄

衝寒破臘梅開時。驛使寄到子梅詩。閒緘花下同環讀。詩中一字一相思。疇曩聚首明湖上。長歌短什互酬唱。而今憶別東海濱。何時把袂再逢君。況聞多病類相如。茂陵消息今何如。轉瞬

春風雁北向。伫盼惠我好音書。

文信國公鐵如意歌

詩僧墨榻一鈎鐵。墨本係僧六舟所拓五百餘年字不滅。欵識聖瑞文天

祥。背文聖瑞文天祥制六字斯物斯人兩奇絕。公生已值宋祚終。獨標大節

撐孤忠。讀聖賢書明素志。鑄此豈與玩物同。想見提兵應詔時。

指揮如意軍中持。又想柴市成仁地。執此浩然歌正氣。他日西

臺故人哭擊節。亦持琅玕竹。謝皋羽哭公以竹如意擊石作歌招魂同心更有物

同名鳴悲不借漸。離筑吁嗟乎宋已去。公名留凜然忠義壯。千

秋公雖死器無恙。譬諸伏波銅鼓諸葛羽扇何多讓。在昔猶聞

信○國○琴○忠雅堂集有一彈○再○鼓○德○情○情○枯○桐○也○歷○滄○桑○劫○不○知○
何○處○託○知○音○玉○帶○又○傳○公○遺○硯○草○檄○飛○書○助○征○戰○珍○藏○淪○落○有○
誰○知○但○從○曝○書○亭○集○詩○中○見○曝書亭集有而○今○對○此○鐵○錚○錚○為○
爾○無○端○感○慨○生○幸○為○忠○臣○鑄○良○器○免○向○岳○祠○模○範○權○奸○形○岳忠
有○秦○檜○鐵像彼○何○辱○此○何○榮○不○須○真○贗○辨○分○明○但○託○公○名○已○是○不○朽○
名

勞山記遊詩

勞山名勝久欲往遊而未果同治壬申秋借吳仲飴水
部同往始償夙願自東北至東南往返百餘里信宿山

中五日得詩二十首聊志清興而山以西仍憾遊蹤未

徧也

重九日望勞山作

去○歲○躋○攀○日○觀○峯○壯○遊○今○復○東○海○東○勞○山○可○望○兼○可○卽○來○時○霜
葉○雜○青○紅○朝○嗽○未○上○烟○霧○溼○平○鋪○山○脚○白○濛○濛○黃○山○雲○海○稱○奇
絕○以○彼○方○此○將○毋○同○雲○開○霧○斂○奇○峯○出○十○萬○亂○落○青○芙○蓉○近○瞰
亂○石○縱○橫○卧○如○獅○如○象○如○虬○龍○遙○瞻○鋒○鏑○寶○匣○出○千○將○莫○邪○插
晴○空○又○如○王○會○呈○圭○璧○侯○執○桓○兮○公○執○躬○造○物○有○意○弄○狡○獪○萬
千○變○化○難○形○容○重○九○例○作○登○高○會○龍○山○盤○山○曾○扶○筇○千○佛○山○巔

再三至茲遊合繼前遊蹤入山更許開生面恢擴眼界拓心胸
狀峯頭之奇異畫手不到年愚姪吳重禧注

太平宮

言尋太平宮蒼翠越層巘蜿蜒赴修蛇峯回路更轉曲折入煙
蘿乘興渾忘遠入門漸平曠尋勝恣流覽寥落古仙蹤豐碑沒
苔蘚崩劣獅子峯高峙類弁冕拾級不可登老夫興匪淺捫葛
更攀藤何妨足徒跣登眺凌虛空小坐息餘喘怪石竟橫生幻
出巖下厂中有明昌題字畫蛟鼉斷金石有時泐望古徒生感
寫景遍肖姪重禧注

白雲洞望海

直上峯千仞奇觀入望中仙雲排遠岫海月渡長風島嶼三山
見帆檣萬里通明朝賓出日會看一輪紅風空闊之境如置身
其間 禧注

釣龍磯

勞山盡處海無邊傍海孤撐石一拳安得長繩拋巨壑果然釣
起六鼉連奇想 禧注

華巖菴

白雲洞中方宿宿醒來窗牖明朝旭重扶竹杖下山行亂石犖
确不容足峯回路轉入華巖華巖何有有修竹谷名應合號箕

管行行照我鬚眉綠叢篁盡處現禪關嵯峨石磴雲間矗崇岡
峻嶺起樓臺曲徑禪房饒花木飯罷忽驚海月升匳開雙鏡輝
光觸蛟宮貝闕澈空明鯨波怒息魚龍伏清風颯爽入襟懷萬
壑千崖秋氣肅眺罷山僧更索書夜靜虛堂燒明燭持去由來
聽座人一揮何妨三十幅
中幅四語括盡華嚴之景 喜注

明霞洞夜坐

聳身已近斗牛間歷歷星辰手欲攀萬里風濤臨大海千林霜
葉響空山秋光漸逐蟾光老客夢渾如鶴夢閒漫說蓬瀛人不
到蓬瀛今已在人寰
項聯名句 喜注

元真洞

世傳張三丰修真處

不知太古初誰鑿渾沌竅闢此團圞形不借人工妙未許白雲
封時邀明月照仙人去不還我來坐長嘯

上清宮

門前排列錦爲屏門內清陰綠滿庭百歲牡丹千歲杏一花一
木亦通靈

古宮寥落闕興亡往蹟追尋未易詳滿地荒苔縈蔓草殘碑沒
字卧斜陽
讀之深人興廢之感 喜注

八仙墩

石泉書屋言金
初○疑○太○華○擎○巨○靈○又○疑○力○士○開○五○丁○一○山○中○裂○半○壁○傾○一○半○獨
立○真○削○成○傾○者○平○鋪○紋○似○冰○立○者○上○轟○錦○為○屏○其○下○空○洞○厥○明
廷○會○仙○或○此○駐○雲○駢○零○星○墜○石○如○隕○星○箇○箇○羅○列○團○團○形○呼○墩
恐○被○世○人○爭○錫○名○遂○以○八○仙○名○我○來○恰○值○午○潮○生○噴○花○雪○浪○轟
雷○霆○為○誰○激○作○不○平○鳴○坐○定○頓○覺○道○心○清○不○信○風○波○有○未○平
突○然○而○來○筆○力○崢○嶸○通○幅○皆○警○拔○絕○俗
憶注

晨眺雲物類海市詩以記之

一○片○雲○霞○頓○改○觀○滄○桑○頃○刻○幻○無○端○林○巒○簇○簇○連○村○落○權○當○屋
樓○海○市○看
讀此可平未觀海市之憾
憶注

太清宮

東○南○山○盡○處○開○闢○太○清○宮○千○竿○萬○竿○竹○前○山○後○山○松○封○謝○大○夫
號○清○來○君○子○風○地○依○山○屏○翰○門○對○海○朝○宗○仙○居○何○飄○渺○傑○構○撐
虛○空○高○低○恣○游○矚○雲○樹○互○玲○瓏○從○容○尋○勝○慨○羽○士○快○相○逢○長○春
留○好○句
摩崖刻邱
真人詩
捫石憶仙蹤游倦山齋宿暮鼓兼晨鐘山靈
欲○留○客○朝○起○雨○溟○濛○縱○筆○任○揮○灑○墨○與○雲○痕○濃○更○尋○來○鶴○洞○余
題洞
中
題字待鐫碧我去仍留迹爪印踏雪鴻
惟太清宮留連
最久詩亦倍有
餘情
憶注

贈太清宮羽士姜牧亭

幾生修得住仙山不借丹沙可駐顏長嘯一聲海天碧那知何處是塵寰

勞山道中雜詠

皓首依然事壯遊遊蹤直抵海東頭願乘萬里長風去一氣渾茫渡十洲
危崖絕壁與雲浮山下平臨萬里流幾陣晴雷喧徹耳潮頭飛起過人頭
幾簇人家聚一村漁樵生計自朝昏西山爽氣晨開牖東海潮聲夜打門

澗溪回合路彎環入畫奇峯鎮日攀況是重陽風雨後青黃紅葉滿秋山

勞山卽事

海上聞名勝今來願始酬知仁誰共樂山水此兼遊遠道輕千里奇觀壓九州何需覓三島方丈與瀛洲

出山作

歸程恰值雨溟濛冒雨山行圖畫中一片白雲封不住參差翠巘倍玲瓏

奇景真景 愜注

人間竟有此煙巒留戀情深去住難辭卻仙山入塵世教儂一

步一回看

嶗山負山面海為山左第一壯觀所謂泰山雖云高不如東海
 嶗山非虛語也王申秋與竹朋年伯同客於濰事畢約蠟游山
 之屐共租一鹿車前住於重九日入山十五日出山入凡六
 日又在太清宮雨一日於快游者僅五日耳重憶搜索枯腸而
 成詩五首而年丈於所境入於化者非耶猶憶在山時各
 輯之已得二十首之富所謂境入於化者非耶猶憶在山時各
 策一竿新斫竹披蒙茸凌岷嶠或徘徊於危崖或偃息於石磴
 重憶或疑神思索年丈輒隨誦新句泉涌風發箒鐙時每錄
 一篇未嘗不三擊節也歸後復以清本見示每一披讀舊游
 宛遇因綴數語於後以誌一時佳興至於年丈之詩則石泉
 書屋全稿俱在清奇濃淡不拘一格在讀者自領之固非私臆
 之贊述所能盡也年家子吳重禧謹識

